



Fortunante Christo !

Gravissimum D. Pauli est monitum, quando 2. Tim. 2, 8. scribit : *Memento, Jesum Christum resurrexisse à mortuis, ex semine David. secundum Evangelium meum.*

*Quicumq; enim, teste Augustino, Jesum resurrexisse à mortuis recordatur & confitetur, nec de suâ quondam futurâ dubitare poterit resurrectione. Est enim in Christo Homine uniuscujusque nostrum caro, sanguis & portio. Ubi E. portio mea regnat, ibi regnare me credo; Ubi dominatur sanguis meus, dominari quoque me sentio; Ubi glorificatur caro mea, & me gloriosum esse cognosco. Universam quippè fidem nostram, & spem, & salutem in solâ Christi Resurrectione fundari, idem prolixè testatur Apostolus 1. Cor. 15. quando inter cætera tales infert sequelas: *Quod si Christus non resurrexit, (1) inanis est predicatio nostra: v. 14. (2) vana est fides vestra: v. 17. (3) adhuc estis in peccatis vestris: ibid. (4) Et qui obdormierunt in Christo, perierunt &c.* Saluberrimū ergò istud Resurrectionis Dominicæ mysterium animo attentiore considerare, uti quovis tempore decet, ita id præsentī, sub anniversariâ scil. ejusdem revolutione, agere, eò minus quisquam vitio nobis vertet. Vnde hâc vice de gloriosâ illâ Salvatoris Resurrectione tyrocini loco dissertatiunculam quâdam eo modo instituere placuit, ut ejus fundamentum seu veritatem immotam paucis perstrictam thesibus defendamus. Adsit nobis Heros ille invictissimus, jamjam à morte redux, & cæpto benedicat ex alto!*

Serm. 43.
T. 9.

§. 1. Pro stabiliendâ itaq; Resurrectionis Christi certitudine, primo loco sese offerunt dicta Instrumenti Vet. evidentissima, inter quæ agmen ducit Protevangelium illud, Gen. 3, 15. Et inimicitias ponam inter te & mulierem, & inter seminum & semen ejus: Ipsum (sc. semen) conteret tibi caput, & tu insidiaberis calcaneo illius. Vbi notanda est iniquissima illa, & à blasphemîâ non aliena sententia & assertio Pontificiorum,

*I. Argum.
tum ex
Mose pe-
titum:*